

欽定四庫全書

子部

外臺秘要方卷五



南京中醫藥大學圖書館版權所有



詳校官太醫院恩糧臣孔毓秀

編修臣倉聖脈覆勘

欽定四庫全書

外臺秘要方卷五

療瘡方二十一首

唐 王燾 撰

病源夏日傷暑秋必病瘡瘡病之發以時者此由邪氣  
客於風府循脊而下衝氣一日一夜常大會於風府其  
日下一節故其作也晏此先客於脊背也每至於風  
府則風理開脈理開則邪氣入邪氣入則病作此所以

日作稍益晏者也其出於風府日下一節二十五日下  
至尾骶二十六日入於脊內注於伏膂之脈其氣上行  
九日出於缺盤之中其氣日高故作日益早也其間日  
發者由邪氣內薄於五藏橫連募原其道遠其氣深其  
行遲不能與衛氣俱行不得皆出故間日蓄積乃作夫  
衛氣每至於風府則腠理乃發發則邪氣入邪氣入則  
病作今衛氣日下一節則其氣之發也不當風府其日  
作者奈何曰此邪氣客於頭項循膂而下者也故虛實

不同邪中異所則不得當其風府也故邪中於頭項者氣至頭項而病中於背者氣至背而病中於腰脊者氣至腰脊而病中於手足者氣至手足而病衛氣之所在與邪氣相合則病作故風無常府衛氣之所發必開其腠理邪氣之所合則其府也風之與瘧也相與同類而風獨常在也而瘧得以時休者何也由風氣留其處瘧氣隨經絡沈以內薄故衛氣應乃作陽當陷而不陷陰當升而不升為邪所中陽遇邪則踰陰遇邪則緊踰則

惡寒緊則為慄寒慄相薄故名曰瘧弱則發熱浮乃汗  
出旦中旦發晚中晚發夫瘧其人形瘦皮必粟起問曰  
病瘧以月一日發當以十五日愈設不愈月盡解出第十一

卷中

廣濟療瘧常山散方

常山 五分

升麻 二分

蜀漆 一分

右三味搗篩為散一服二錢匕和井華水煮米半合  
頓服少間則吐吐訖則差忌生葱生菜及諸菓子生

冷油膩等物

又療瘧常山湯方

常山

三兩

右一味切以漿水三升浸經一宿煎取一升欲發前  
頓服之後微吐差止忌生葱生菜

近効療瘧間日或  
夜發者張文仲備

急同並出

第一卷中

張仲景傷寒論辨瘧病師曰夫陰氣孤絕陽氣獨發而  
脈微者其候必少氣煩滿手足熱而欲嘔也名曰瘧瘧

若但熱不寒者邪氣在心藏外舍分肉之間令人消爍  
脫肉

又辨瘧脈夫瘧脈自絃絃數者多熱絃遲者多寒絃小  
緊者下之差絃遲者溫藥愈弦緊者可發汗針灸也浮  
大者吐之差脈絃數者風疾也以飲食消息之

又辨瘧歲歲發至三歲發連日發不解者以脅下有痞  
也療之不得攻其痞但虛其津液先其時發汗其服湯  
已先小寒者漸引衣自覆汗出小便利則愈瘧者病人



形瘦皮上必粟起

又問病瘡以月一日發當以十五日愈設不差者當月盡解也如期不差當云何師曰此結為癰癰名曰瘡母宜急療之大鼈甲煎方

鼈甲

十二分炙

烏扇

三分

黃芩

三分

柴胡

六分

鼠婦

三分熬

乾薑

三分

大黃

三分

芍藥

五分

桂心

三分

葶藶

二分熬

石韋

二分

厚朴

三分炙

牡丹皮

五分

瞿麥

二分

紫葳

三分

半夏

一分洗

人參 一分

廬蟲 五分  
熬

阿膠 三分  
炙

蜂窠 四分  
炙

赤消 十二分

蜣螂 六分  
炙

桃仁 三分  
去皮尖熬

右二十三味末之取鍛竈下土一斗清酒一斛五升

浸土候酒盡一半著鼈甲於中煮令泛爛如膠漆絞

取汁下諸藥煎為丸如梧子大空心服七丸日三服

忌莧菜生葱胡荽羊肉鰂等物  
千金有海藻大戟蟲無赤消鼠婦用鍛

竈灰

一斛

又瘧發渴者與小柴胡去半夏加括蕒湯方

柴胡 八兩

黃芩 三兩

人參 三兩

太棗 十二枚擘

甘草 三兩炙

生薑 三兩

括婁根 四兩

右七味切以水一斗二升煮取六升去滓更煎取三

升溫服一升日三忌海藻菰菜

經心錄療勞瘧並出第十五卷中

肘後療諸瘧方

取青蒿 一把

右一味以水一升漬絞取汁盡服之

備急張文仲同

又方



鼈甲

三兩  
炙

右一味搗末酒服方寸匕至發時令服三服兼用火  
炙無不斷者忌葷菜

又方

牛膝莖葉一把切以酒三升漬一宿分三服令微

有酒氣不即斷更作不過三服止

文仲備急集驗同  
並出第一卷中

深師療瘡膈痰不得吐宜吐之常山烏梅湯方

烏梅

半兩

桂心

半兩

芫花

半兩

豉

五合  
綿裹

半夏 半兩

常山 半兩

右六味切以酒三升水四升合煮取二升分三服必

得吐一方取三升忌生葱羊肉錫生菜

一方無半  
夏常山

又療瘧丸神方

人參 三分

鉉丹 三分

天雄 十分  
熬

右三味擣合下篩蜜和初服二丸如梧子臨發服二

丸中當溫熱四肢淫淫痺為知服藥忌飽飯食瘧斷

後食如常萬不失一

備急文仲同

又療瘧瘵膈湯方

常山 三兩

甘草 三兩

松蘿 二兩

烏梅 十四枚

黃芩 二兩

瓜蒂 十四枚

梔子仁 十四枚

右七味切以酒二升漬一宿明旦以水四升煮取三升分三服忌海藻生葱生菜菰菜等

又瘧結實積熱煩擾迷冒寒熱但多綿愒困篤常山大黃湯方

常山 三兩

甘草 三兩

前胡 二兩

大黃 三兩

右四味切以水一斗煮取三升半下大黃煎取三升分澄令冷初服七合中服八合比欲發服九合王文州大子因瘧危困服此皆愈忌海藻菰菜生葱生菜等

又療瘧醇醕湯方

生薑 三兩

烏梅 三七枚擘一方十四枚

甘草 三兩炙

桂心 二兩

常山 三兩

蘘荷根 三兩

右六味切以水六升煮取一升曰醇未發時須頓服



更以水三升煮取一升曰醕至發不斷復頓服甚良  
別方說發日平旦服醕一升以醇著頭邊若欲發便  
服醇良二說不同也忌海藻菰菜生葱生菜  
出第二  
十二卷中

千金麻黃湯療瘧須發汗方

麻黃 四兩  
去節

大黃 四兩

桔樓 四兩

甘草 一兩  
炙

右四味切以水七升煮取二升半分三服未發前食  
頃服臨發更服服後皆覆取汗忌海藻菰菜

集驗同

出第十卷中

千金翼療瘧病醫不能救者方

以繩量病人脚圍繞足跟及五指一匝訖截斷繩  
取所量得繩置頂上著反向背上當繩頭處中脊  
骨上灸三十壯則定候看復惡寒急灸三十壯則  
定比至過發一炊久候之雖飢勿與食盡日此神

驗男左足女右足

出第十八卷中

崔氏療瘧會稽賴公常山湯方